

今白華堂詩錄補

今白華堂詩錄補

目

卷一古體詩四十五首

卷二古體詩四十九首

卷三古體詩四十五首

卷四近體詩一百二十九首

卷五近體詩一百三十二首

卷六近體詩一百二十首

卷七近體詩一百二十六首

卷八近體詩一百首附詞八首

光緒三年九月 男華 校刻

今白華堂詩錄補卷一

古體詩

登天封塔

飛構凌太虛下攬郡圖徧梯桃重七級欄楯徹六面身倩  
罡風扶步作香塵旋髣髴登慈恩山川碎秦甸用杜句帝座  
良可通中霄窮仰盼江天浩茫茫搔首難自遣

岳忠武王墓

三字獄千秋冤至今墓下士女慟涕淚還灑秋草原我獨  
悲丹心卻未哀碧血中原共存亡獨存不如滅金牌趣返  
後憤氣摧心兵戴天忍偷活坐見和議成嗚呼人知賊檜

欲死王不知王固不欲生三字獄爾何苦岳家父子計良  
得颯颯靈旗出圓土忠魂北去朝兩宮一夕快抵黃龍府

猛狗行

酤美酒日懸幟

去聲

謹遇客平升概孺子抱甕攜錢來猛狗

迎齧駭且避駭且避衆隨喧彼宋人愚可憐

語意本韓非子及說苑

嗚呼猛狗弗縹將齧賢求賢無若宋人然

爲張石癭山長

樹槐

題照

有口如瓶合飲酒安得焦生分五斗有面如田長作客那  
及恬侯足萬石竭來湖上談經地徜徉欲作終焉計素舸  
吟風賀監朋綠蓑釣水元真嗣我聞先生經世儒胡爲投

紱歸江湖雲霄方作萬變圖神龍見首祇須與先生之道  
其龍乎

勵志詩

道重韋布尊學荒鐘鼎辱讀書僅獵名陳編概可束巨海  
無微瀾高山有遐躅十駕駑驥同所患惟鋌軸縋紈匪素  
絲圭璋匪璞玉蜉蝣爾豈知芸窗景光促

九里洲看梅

看竹須千畝看梅須萬樹似披高士傳一一展良晤官舫  
載春風日與梅花遇獨訝九里洲古雪白成路林影混帆  
外花氣如爭渡艤舟緣蛇徑衣香襲輕霧出沒雲海中目

力窮四顧神仙種瑤華不異農桑務羅浮惜未經六峯夙  
所慕輸與羊裘翁茲焉縱鶴步行行見釣臺只在香深處  
正月十四夜感賦

客裏恨日長歸來覺日短談罷江湖候二旬愁見新年月  
華滿主人隔歲計籤程渡江春色催我行朝來 堂上視  
行李親朋強送椒盤喜預說雲程衣錦還垂白無言但唯  
唯試燈風起聞笙歌風中玉笛離聲多影堂夜靜爇香炷  
拜前拜後頻迴顧窺人月色黯梅梢忍向春江照行路

題蘭亭秋禊圖

策杖入深杳日出羣峯幽篁竹起驚禽墜露衣上流石籟

奏笙筑松壑趨蛟虬孤亭自千載壞欄仍四周羣賢一以  
去勝地爲誰留高吟答空響清酌娛朋遊山意無古今安  
論春與秋惟應內史迹憐余遠相求

鳳山行 敷文書院在鳳山門外秦觀察小峴先生

以六月六日決科余端居無俚刻苦爲文芸臺師憐  
其志意危殆令預是會以蕭散之英流滿前結轡彌  
甚知非科名佳兆也陳古華太守

廷慶

張子白進士

並以奪命見詡觀察亦竟置第一忸怩累日託什自

陳

文章那使天無功天香本在秋霄中半載下帷祇就縛終



朝踏壁成書空清晨仰首碧雲捲一鞭且試雲程遠作鑑  
人倫淮海秦扶輪大雅陳留阮鳳山山翠排城闔萬松夾  
徑交髯鱗朱戶碧欄入杳杳蕉衫藤笈來僦僦橫舍拈題  
一窗小握管形神忽枯槁三百英雄側目窺五千文字中  
腸攪才難才盛談姬媯是日文題唐虞之際四句壺中化日忘舒遲  
翠應須夕秀振翦紅已謝朝華披晚蟬聲裏高齋敞名士  
西東坐相向先生降席卻皋比主者行廚出絳帳掌教潘德園侍  
御招至齋中晚飯會者七八人侍御日兩浙名士盡在此矣肴烝錯雜兼伊蒲侍御奉佛茹素  
卽席何心鬪百觚稿成王勃看微笑錦失邱遲欲暗吁官  
燭搖風鼓三疊目倦神飛漫交睫殷春開到筆端花同舍

尋來夢中蝶尙餘七字勞安排

詩題浙東飛雨過江來限七言排律

柏梁臣

朔真窮哉忽驚飛雨破窗入卻是寒濤捲樹來恩恩投卷

出門去霞起江天天欲曙故人待我未成眠

謂子白

坐對神

魂猶失據人生福慧豈關修自有天然第一流得失寸心  
虛見慰龍門聲價愧龍頭

闕後芸臺師約同北上歸請

家大人命

從來鬪力空戰死百鈞難降盈尺紙嘔心坐見化無用三  
載光陰付寸晷當前便欲哭秋風覆視真堪飲墨水分乖  
青眼愁索觀豈料絳帷還失喜蘇潭老子亦善獎謬詡賦  
成三大禮

出闕之夕師遣人索稿去閱之甚喜持示謝方伯以三大禮賦見比

春官消息迫

期望命逐雲龍待燒尾江上西風雁聲急心旌搖搖不自  
已南雲北斗暮相映凝望長空幾千里歸向 高堂言嘯  
嘯 高堂早爲決行止男兒奮迹須遠到中道徘徊負知  
己回頭棘院縱成錯努力雲程或雪恥一振寒門吾素懷  
青霄拭目兒行矣嗟余子立無弟昆兩載萍蓬慨遊子愈  
遊愈遠將奈何日理行裝宵掩涕

月夜謁岱廟

東方月出寒雲中一城岱色青濛濛神府夜厯精誠通朝  
參亭外瞻靈宮金鋪華闕祥煙籠朱門納陛深重重廟祝  
前導褰衣從肅拜殿上鏗華鐘四圍古壁圖靈蹤以火來

照驚雙瞳金神擁蓋驂虯龍千乘萬騎紛戈鏃百靈趨走  
陰廊風逼視往往呈真容下階轉首餘妙工地獄變相塗  
青紅虛延漢柏柯如銅唐槐別院垂陰濃武皇石幢凌高  
空累朝鰲碣爭穹隆旁堆雪浪瑩鐫礪何年浮出樽桑東  
右轉拾級登崇墉仰面正對日觀峯巖巖氣象排寒穹萬  
古誰與侔尊崇中天朗月開鴻蒙白煙化雲雲盪胸俯視  
下界心朦朧人世白日皆塵封歸來假寐登程慵夢魂飛  
躡青芙蓉

河閒有感

桑乾曉色開高城塵壙山積風轉清河閒文獻自漢代到

此發人思古情三雍曾奏雅歌曲輦輓才人漫追逐浮文  
妨要徒災黎實事求是如積穀毛公里韓傳村古風穆穆  
絃歌存如何一變墮輕薄姪女數錢當酒樽

題通志堂經解後

經文如江河疏義等潢潦萬派匯一源厥功在善導戴聖  
創經解獨力開安輿箋注及傳說諸家各樹纛五經叔重  
名九經那律號得閒競發難一字亦相報宋儒雖尙簡精  
力靡不到說經而經亡任彼凡味噪所慮卷帙紛泛似溢  
秋澇納蘭佳公子層瀾迴旣倒執戟侍 明光抱經敦夙  
好壇席延五鹿異本共傳告成此衆說郭徑路達四隩綜

列三千年綿蕝儼門楣皇賈馬鄭輩出入恣排弄緬懷通  
志堂堂室期獨造

太學老子觀井圖石刻

仙莊在人境繞樹泉聲涼洞然石鏡徹虛圓發天光綏帶  
青林閒負劍元石旁與物偕道妙孩之無爲場小瓢分江  
海勁索穿津梁用志旣不紛探源深且長夕汲靜寒月朝  
汲動初陽動靜由自然損益貴兩忘我聞九井廟連波通  
微茫頗疑道家言誕漫等望洋今來遊太學殘碑訪東廂  
面壁忽有悟眼底卽瀨鄉千潭一月印斯理原尋常陳靖  
圖彭錢銘詞同審詳行行夕陽下隨意歌滄浪

太學古檜歌

千年古檜青嶙嶙徑逾石幢圍車輪陰廊虧蔽慘白日崇  
陸矗立寒蒼旻柏葉松身後凋質吟風嘯月惟德鄰旁附  
老槐五百載儼承辟咤還逡巡滄桑歲月那可溯種時約  
略先成均吁嗟萬物失遭際大材亦共凡植湮平泉一雁  
早折翅壽岳二龍旋摧鱗法雲梵寺太清觀存者方外徒  
沈淪詎知造化契神物位置得地尊無倫栽植恰宜雨露  
近護持不仗風雷頻東坡詠汝恭有禮惟恭致壽非無因  
不欺自是本性直有禮終與吾道親先師手植蔭闕里定  
洽臭味通精神遙遙東北早相待聞風興起非凡民不然

碎雍臨四海宮牆萬仞誰能循況逢 盛時光聖澤菁莪  
育賢 文治新一朝旒萬傍 芝蓋萬年蔥鬱連 楓宸  
繁陰幾容鸞鳳宿勁骨長壓鯨鼇踐階前剔蘚笑同舍較  
量石鼓論周秦

題詩龕篁石圖爲梧門先生

惠洪謁靈源塔石作響宮商繁昭諫吟摩築老篁夜吼清  
微發天籟鼓盪詩人胸仙佩飄落煙雨叢詩龕選石如選  
詩詩龕愛竹如愛士直欲醫盡人世俗拔入空明洞天裏  
袖拂白虎筋手弄青鸞尾盡日秋雲溼衣履秋雲墮地眠  
不醒十步五步涼波生一聲鐵笛破煙綠石竅和作蓬萊



笙姮娥呼月窺林隙透出巉巖皺空碧滿身都化芙蓉色  
恍惚詩仙下蘭澤於竹見詩品於石見詩骨有骨皆玲瓏  
無品不卓立風篁石瀨俱管絃靜中忽奏詩百篇袍笏下  
拜丈人起欲隨綠鳳翔高天盤山峯篋管谷併入詩龕畫  
一幅峯峯活石來谷中不作畫讀作詩讀西涯之水寒一  
隈朝朝洗出青瓊瑰披圖握管三迴洞詩魂飛入湘雲堆  
清谿詞爲張子白明府作

銀河低按清谿曲紅牆斜月搖風竹天上雲駢世上槎同  
載離愁赴秋渌華亭詞客謫仙姿張祜才名繡閣知自解  
連環投鳳使便留彩筆待蛾眉妝樓窈窕開春首冶歌宛

轉成交手蟾蜍窗掩綠  
璿璿綰結同心萬絲柳  
豔福爭誇梁伯鸞  
一雙嬌影鏡中看  
花盟曾遣東風泣  
不種相思種合歡  
繡幄圍香伴  
遙夕勤將螺子研  
輕碧怕說蘇家織  
錦詩慣撫衛氏簪  
花格文人自古歎  
勞生書劍年來逐  
轉萍惜別不禁頻  
錄別多情那解諱  
鍾情壓裝粉本多  
閒靚蓮幕曾添吟  
思永丁巳春子白在武林試院出畫眉圖屬同人題詠  
一抹春煙展岫痕  
半牀旅夢扶花影  
金釵卜得遠人歸  
瘦減腰肢各幾圍  
留取前番紅淚點  
肯教容易浣羅衣  
舊痕未淡新痕續  
無端吏牒頻催促  
拂天霜雁又南來  
喚起蘭閨愁百斛  
刻翠鉤紅事正忙  
一枝穠豔勝河陽  
風懷祇苦難陳說  
捧檄何

心辦急裝此夜鍼樓思悄悄倚欄相望層波渺省識華簪  
解誤人當時悔乞文章巧雲階靈匹未曾還如此良宵竟  
不聞聞道千家穿繡縷獨憐一柝曝征衫沙棠辛苦隨行  
李解纜無聲君去矣綺閣雲迷燕子簾蓉湖風引鴛鴦水  
可奈長年喜送行片帆早抵闔閭城吳江回首青峯冷宛  
宛雙蛾淡埽成短簿祠邊深竹院芳池恰映芙蓉面秋心  
欲化白雲飛四面玉簫聲繞徧燈涼孤館夜如年正是妝  
樓夢雨天斜倚隱囊無侶甚沈吟慵孿衍波箋吳趨妙手  
王摩詰載酒來過頻挾瑟一慰秦嘉輾轉思家山盡向毫  
端出當筵笑指鳳凰村別後梨雲靜掩門自是美人宜入

畫其如獨客倍銷魂塵霧漫漫風草草鞭絲已拂長安道  
長安無客不思家刻意如君還覺少訴向旁人豈得知憑  
伊怪殺有情癡英雄原不忘兒女恩愛端應自別離譜就  
新篇珠百琲鈿箏彈罷朱顏改眼底居然瑋瑁梁人間何  
處胭脂匯我亦江湖片影單天涯襍被暮秋寒月華千里  
嬋娟在苦恨乘風歸去難七夕離杯記深酌辭家虛訂黃  
姑約自憐經歲等飄鸞爲祝來秋須駕鵲半幅輕煙妙入  
神好隨博望度星津殷勤攜向支機石定許王郎是解人

榜後作

鄉舉士所望誰望舉京兆舍邇求諸遠得豈殊多少 高

堂聞喜日還苦思遠道

我祖庚申齋志恨何已勤欲過董生天乃似顏子庚申今再逢天道或在此

殿校釋褐資獲選方自賀豈知旬日間微福患太過一得

輒一失時命巧相左

八月朔國子監考送武英殿校錄余列第四今鄉試中式例不復送

二月二日趙謙士太僕招同令弟純圃孝廉秉濱遊

### 崇效寺

宿約尋招提侵晨動幽興初陽鞭影散餘雪六街淨途曲  
依繚垣車轉恍緣磴到門憩疎樾隔煙聞梵磬言循修廊  
下奎閣緬虛覽計日迫禮闈辨香聊展敬清遊愧嬰俗遂

巡下梯墮午景微帶暄幾樹雜花孕虛庭嗅穠穠深殿窺  
艷艷伊蒲贊公房設酌爲陶令茶板一以歇頻伽悅清聽  
餘情逗蔬圃窄步穿竹徑數畝耐夕陽半時契禪定欲去  
仍徘徊荒寒適野性五髻惜未瞻歸來徒悵詠更上荒臺望遙山五  
髻盤竹垂燈敲隱囊夢入遙山暝

題山村觀稼圖爲李平山太守坦

循吏如老農事勤心轉聞老農不識官相揖在田閒東風  
前夜至吹綠谿上山山村徧開畬方罫爭迴環麥芒已攢  
簇菜花亦爛熳頗稔雞卜兆婦子皆歡顏使君何方來猶  
爲省民瘼春衫入圖畫稱茲水石寰昨聞使君語太息追

時艱故園昔躬耕蜀道起豺獍倉卒首議屯義旅團鄉闌  
長戟和耒把短甲連蓑環儲峙幸有備烽燧差無患矧樂  
太平業所託惟長鑣守土亦何習蒲杏意所關斯言吾服  
膺此軌躅能攀卽今西北徼剗莠除苗頑令甲日以修未  
補瘡痍癘行當移召杜庶令元氣還願君且少留日日來  
邱樊君看春事競人影紛煙鬢

陳無軒學博

焯

以試事至郡承示湘管齋畫竹卷子

諸生題詠幾滿無軒亦有和作屬次其韻

蛟門春浪崩雪屋

時無軒署鎮海學教諭

寒聲捲入千尺竹蓬窗埽

筆雲海空照眼森森荀班玉官奴城中絃誦滿年少登門

俱慘綠琅玕一束韻分敲坐聽篴管裏虛谷先生薦士趨

轅門持此欲當

去聲

聞見錄手版出袖落畫卷同官掩口笑

以目廣文近頗學尉丞不怪李桃入麤俗湘東品第湘雲

高過雲自和陽春曲披圖祇恐益清瘦日食官齋久無肉

壓裝且泛吳興船歸遺君家趙仲穆

聞無軒令子亦善畫

題桐陰覓句圖爲方蘭坻處士

薰

秋陰重不移綠屏靜如睡葛巾湖上仙橫榻坐空翠鑪爐  
篆猶嫋甌香茗乍試此時似有句徘徊未肯至恰類疎傳  
人不受強招致脈脈佇幽夕沈沈鬱清思起弄青琅玕且  
梳鳳凰翅快風落樹巔五字忽飛墜



聽香曲爲張晴厓廣文迎煦作

中天臺豔秋河月  
蚪水無聲鼉鼓絕  
羅屏冷翠嫋西風耳  
際蓮花開霧窟玉  
太古含靈香魂仙  
妾捧笑紅袖翻巧吹  
玉篆作心字空中結  
響何淺繁黃塵如流  
入西海人天嚴妙  
賸霞彩孤煙直上驚  
鴻龍穿破碧虛達真  
宰幽蘭泣露天不聞  
團金老桂埋寒雲  
晴厓久試未第併入濃薰傳細語  
通明殿脚青氤氲靈壇霏霏駐太乙  
卻表微臣署蟣蝨秋心飛去逐彩鸞  
且勸皇娥拊清瑟  
晴厓初未識余介其友乞題聽香圖而圖亦未至余揣爲磨墨其友誤記爲焚香遂據以成此晴厓得稿喜甚輒就詩意另作一圖請書蓋欲於鄧書燕說外添一話柄也

孤山秋餞送林三泚南  
慰會歸揚州

落巢秋燕寂無語滿城風雨故人去去時身比來時輕手  
挈空囊出冰署攜樽且上君家山置君萬樹梅花間忽忽  
前塵醉中憶哀箏向耳彫朱顏君才當日驚仙宰十載珠  
光冷塵海苦嘔心血紅一絲繡將鐵硯成奇采秀才難得  
如封侯咄嗟何物成牢囚踢翻傀儡天地闊要躡五嶽窺  
滄洲旅食那求臣朔飽江湖意氣出雲表爲感知已賦遠  
遊瘴海浮天一帆小嚴冬夜黑怪鳥啼急舟風挾趨危隄  
燈色不紅雲不白連江昏霧迷東西推篷陡覺風滿耳舵  
尾無聲人落水篙師睡夢猶曹騰但聞大叫吾死矣欲墜  
不墜驚懸空欲定不定疑轉蓬斷冰藉體漂水面洄湍湧

入菱蘆叢少緩須臾幾不救巨網連緼恰相就重生翻笑  
鴻毛輕從此遭危命能授羊城少任艱薪炊虛談陸賈干  
金貲除卻荔支三百顆世閒色味都不知坎窞餘生對先  
聖梨棗光輝及馬鄭君以督梓十三  
經校勘記赴粵五千里外驅汗牛差  
幸到來不辱命梁園長揖辭大賢感公高義同雲天自分  
蹇駑難騁步有緣相守惟林泉聞君此語意良愜竟去不  
須更駐楫故園待君有黃花歸路送君有紅葉我生險難  
幾度經天涯無計辭漂零此席強顏且自遣笑看杯底孤  
山青

自平湖返棹抵杭幕示及門吳梅梁

傑

短艇六尺躍晴浪扣舷淩風發高唱縣齋閉置一月來如  
鴿出籠向天放鸚鵡湖中九派水浮圖挂空碧山峙山光  
水色方吐吞倏看幻作頗黎盆舉頭日轂朱幡屯山揭沃  
焦爇草樹水揚沸鼎燂魚鼈我時午食心煩冤縮身潛喘  
思藏蹲斗帳出火無逃門乃知秋暑蒸澤劇有若醯吏憑  
威尊歸到西冷夕陽落清風相隨入蓮幕卻思宵月當湖  
多弄珠樓外遊人樂

焦山舊藏周鼎芸臺師以所得西漢定陶鼎同置焉  
作詩賸之亦作一首

海門紺碧松寥秋金景上歛寒雲浮千年寶鼎忽有對龍

翔夔躍精靈愁形模彷彿時代隔直從西漢追西周周宣  
中興歲丙子烝於圖室銘鍾卣世惠宣治受玉冊編鞞彤  
矢鑾旂簋用作彝鼎示孫子九十四字蟠螭虬後來權奸  
奪不得嚴嵩嘗欲奪之人天擁護潛靈湫風煙浩劫遺世外豈同

零落歸山邱漢家諸陵變荒谷銅花銅葉無人收定陶共  
王元帝子葬禮特視諸王優供廚已煩汧邑令採鐵兼賴  
渝廉侯炎鼎將傾此鼎鑄山東尺土埋殷憂瑣瑣姻姬覆  
公餽可無方召扶神州奇字空撫史籀篆盛烈那比岐陽  
蒐惜哉酬庸讓姬室昆吾蕪沒飛廉羞人事雖乖器故重  
金精煜燭神光留覓羊陰火燭壞道榛墟菌蠢軒龍頭吾

師好古不自祕每從一物覘遠謀雲雷作合殆有數名山  
海上堪從游二鼎初成異顯晦中間播越同浮漚閱世恆  
沙且莫論山門永鎮滄江流懸厓鶴銘亦詭偉屹然鼎足  
東南陬

示親友

毛義志捧檄溫嶠乃絕裾功名奪天性鐘鼎將何如余才  
矧蹇陋一編笑千祿經世豈草草閉戶實止足君不見古  
來名士惟隆中經綸談笑誰與同庭前種得諸葛菜且占  
貧家菽水風

十月二十一日謙士通政招同朱樂琴陸建庵曹澹

持明經

洪志

灌春太學

洪集

楊合亭文學并令弟純

圃為消寒第一集即席賦呈

小春欲盡寒風號初更月氣方澄高西軒華燭聚人影香  
來酒甕開新糟親知六七豆四五射覆藏鉤恣笑語未須  
榘枹煨地鑪儘聽蝦蟆促街鼓君家自昔創此會文字飲  
原盛前輩都城消寒會自尊公璞函先生始一時名人集中皆有此題詩玉梅又到數九  
辰銀臺剛值大三昧不才自哂負吾腹寒態依然似蜎縮

罇前吟侶一番新還憶虎坊舊詩屋

庚申主人於舊第舉此會預者多寒士

二十四福堂歌

臘日樂琴招同人會飲此堂為消

寒第八集

夔夔臘鼓催飛觴主賓接武趨長廊排闥入座引領望耽

耽大廈棟高驤芸楣橫列繡拱張中嵌白堊如雲窗周圍

十二交相當畫入聲作廿四應矩方天然位置分天章誰

其作者王文莊白齋先生當時虞陞資贊襄堂廉交泰承恩

長御筆錫福開春王驪珠一顆歲爲常舉頭不覺驚流

光二十四福盈茲堂綸扉將陟殊未遑前者爲于後有梁

時金壇相國富貴天定亦自量知足知止題名章遂以司

寇還雲鄉傳舍閱人笑人忙俄易數主成空桑令我惻惻

榮衷腸主人聞言亦神傷花脂餞熟聊勸嘗四座向我浮

玉缸勿效次公醒而狂



正月二日代 南書房翰林恭繕 御製詩本敬賦

重華

宮名

茗宴

雲章摘詞臣聯綴盈彤墀萬籟

集成在

聲振一篇浩博無津涯

南齋繕本懼不給

丹臺排日

難稽時臣和臣冲昧死請

英煦齋師及謙士主人面奏請御製詩本歸令書人分繕

帝曰俞哉惟爾司爰召十士集私第

史家衛術英宅

靈書玉券驚

相窺題曰詠圖圖職貢唐臣立本實防茲我

朝綬來越

千古爰閭棗幣開宏規冠帶西荒逮朔漠梯航東汜交南

陞

聲教日遠圖日夥越裳界外新藩維

時越南新隸此圖

紈牛

露犬錯瑰詭卉衣罽服紛陸離昔聞虞陞圖益地惜有其

圖無其詩豈若丹青被

宸翰照耀萬國侔晴曦小臣何

幸預茲役青衫橐筆來追隨到眼欲作異書讀州國名字  
多未知楮六十番字五萬窮兩晝夜手忘胝漏殘燈地倍  
神王去聲置身若傍軒與義新年忙事誰有此生平遭遇堪  
矜奇

恭詣 神武門外跪 輦道旁謝 恩禮畢賦似同

年范二明經清彥 姚伯昂孝廉元之

造天園闕鉤陳外夾城珠斗向空挂鵠立晨光映聯袂鯨  
鐘初動蚪蓋飛闔闔洞闔 黃屋來萬靈屏息風馬嘶仗  
外瞻

天伏不動班首金貂兩供奉顧影自覺鴻毛重 御香漸

遠仰碧空觚棱皎日升瀛東九衢曉色紅雲紅

役夫歎

綠陰不生涼萬山一時赭赤曦乘火螭圓影卓空野苦飢  
失壯士苦渴失良馬皇天矜役夫願天無九夏

大興師留侍 澄懷園直廬下榻近光樓

芳園託枉渚交林冠高齋雲霞互虧蔽魚鳥皆朋儕敞楹  
納陽岡開牖通陰厓晨趨稷契共退直黃綺偕凝塵靜雕  
輪修羅宵青綯茲焉愜冲賞觀道澄中懷清華一以湛師命

書湛清華三字以爲齋額

行藏兩無乖時聆達生旨靈府祛積羶何必

思邱樊微志牙琴諧

飛甍鬱岩巖雲木翼參覃欄檻俯綠陰荷氣來橫潭散帙  
理幽尙訂古肆遐探澄澄挹晨露杳杳送夕嵐客車繞磴  
轉礀戶多停驂眷言依禁籞尺五逾城南矯首引星辰  
萬象中窗函何當朝

紫皇高舉謝人寰

吏部藤花廳候掣簽分部賦示汪九同年

繼培

停車乍識含香署轉入公廳最深處檐前百尺蟠蒼虬庭  
下一行列振鷺有人望斷蓬萊峯愾然此地來相從槐花  
夢短尋無著柳汁衣新染未濃憐我虛名不償失向我耳  
邊重唧唧浪平三級有餘波錯鑄六州無改日爲計雲程

限此生懷音苦語難爲聽曹部何人陟綸閣他年極地卽

藤廳

向來漢員惟翰林爲入相之資

我聞斯言心未遑康濟誰云必元宰

效績都憑一命通立身各有千秋在君不見古藤歷久無

改容善處喧卑能固窮勁色幽馨著今昔月姿煙格彌春

冬對茲敬畏前人意惟勛居高慎始終

王孟津題守谿先生古藤詩卷中語

訪繼蓮龕農部

昌

值那竹汀農部

情安

在座彭寶臣

修撰姚伯昂太史亦繼至因開樽坐月蓮龕口占古

體一首屬和

塵定

軒名

軒中月如客不速自來徑入席主人邀月笑引杯

客亦浮滿欣相陪相看總是齊年友話到霓裳重舉首主

人避席忽大言人傑知由地靈否此地三頭出一宿春夜

月明憶抵足

本年會試承運龕招余與彭姚二君寓宿此軒

世閒利市安有此合

把茅軒當金屋

蓮龕詩中語意以寶臣殿試第一伯昂朝考第一余昨試內廷亦第一因舉唐范翊

黃三頭之稱目余爲勅頭

上座汀點首微咨嗟一時佳話良足誇余聞

不覺汗霑頰漫辱雙鳳

謂寶臣伯昂

隨飛鴉卽如兩君

謂蓮龕竹汀

文譽噪鑾坡峻級待君造便作蓬來最後仙飛渡那容弱

羽到

六部科甲出身之滿洲司員例轉翰林二君視彭姚特入館稍後耳余則無復可望

人事紛紛

月不知問軒軒亦參然疑酒酣且聽竹露響已是軒楹月

落時

正月三日紀夢

六街爆竹喧新年  
啟門日日傳紅箋  
先生閉戶嬾人事  
朝參已罷惟高眠  
南窗跂腳春晝永  
一身倏墮厓巔初  
緣羅徑下林樾暗  
篲百道鳴飛泉  
茅亭上下蝙蝠影  
石橋左右胡麻田  
草香不斷出谷口  
山山迎面開青蓮  
旁踞一峯勢僭越  
循麓已覺無比肩  
杉栢欒栢枯儼竦  
立有若離衛蒲宮  
前俄看翠葆拂空  
至直從絕頂趨平  
原叢篁密篠不可  
數煙枝雨葉紛相  
纏一碧匝帀欲無  
地萬綠虧蔽疑無  
天近插桅檣盤輿  
裏遠屯砦柵高雲  
邊彩鸞千羣女牀  
集青琅百尺元圃  
駢十里窳窳藏複  
磴矮籬走籜風冷  
然鬢眉清穆映古  
黛衣袂飄蕩如秋  
煙同行何人忽相  
顧兩三接

影鴉聯翩到來石磬動巖際翠微迴抱山門圓牛屋數間  
列坐具蜂房幾簇安枯禪蒲團忽悟此天竺魂夢落地輕  
於絲醒眼追尋尙厯厯勝遊陡憶山水緣芒鞋前歲正此  
日甲子是日與及門王博之趙伯期吳梅梁步尋三竺諸勝是夢是覺誰真詮披衣一  
笑推枕起椒盤樺燭方開筵

扈從 春巡起程日作

懷鉛扈豹尾弱冠殷夢想 日馭今叨隨竦身怯騰上寓  
齋空壁立粹欲羅萬象行窩倍家具淩雜恰相仿物物苦  
籌思請借拌鹵莽孱僕日四出一物幾還往漸幸具鞢幕  
驂駒及車輞繩紲椎櫛筐駝載高可仰褫襪餘此身還惟



主人

謂信芳先生

仗盈筇短後衣取攜盡一網春星照無寐曦

影已摘朗執策趨出門首塗動塵鞅行行抵九陌霄路誅  
蕩蕩萬騎長楸閒鸞鑣不停響麗服鮮芳春朱輪軼氛埃  
自顧哂局促 屬車附勉彊縱目天際青三盤落吾掌

### 望盤山

天風吹落青芙蓉對面時隔雲重重雲開忽訝鱗爪動方

知天際盤羣龍

山本名盤龍

盤龍勢抗西山峻箕尾野分資巨

鎮見說磴紆百八級能使人超二千仞上盤之松天下稀

何山無松此欲飛蒼靄函霄灑春雨翠濤立海騰朝暉中

盤之石更奇拔何山無石此能活靈根萬笏畫

入地痕高聲

影千帆走林末松石相遞開下盤涵青漱白何彌漫乳竇  
晶瑩錯星宿飛淙清越鳴琅玕循崖一線出孤嶠仄徑螺  
旋共猿蹕舉頭上矚逾幽尋垂足下臨還絕叫茲山舊名  
東五臺山靈歲逐 文殊來泰岱侔尊副 巡典卷阿奏  
雅需吟才我聞此言日想像窗隙但窺青蕩蕩田盤笑我  
閹塵中如此仙山不得上

薊州道中觀燒山

淡霞一線棲橫峯峯影漸黑霞漸紅忽裂陽崖走飛電時  
轉陰壑垂長虹環營土竈曲復曲搖海燈船空復空凹凸  
萬態露軒豁浮煙漲燄無相蒙陸渾山火足耳熱文陣怪

發驅祝融彼何烜赫此明豔林巒遭際難爲同薊州城外  
卽虎落山民防虎張虛烽小試軍法習火弊負嶠無所潛  
其蹤乃知守險貴先著自來服猛須從容不然燎原勢難  
遏崑岡玉石焦土中洞觀此景歎清絕行程可得連宵逢  
歸來東嶺一片白玉盤拓出龍之宮

偕文秋潭學士

孚

松心厂郎中

綵

蔡雲橋主事龔闇

齋員外過須彌福壽普陀宗乘二廟

西天二藏隨飛錫飛向灤京護

宸極

二廟仿西域前後  
二藏須彌福壽國

語扎什倫布卽前藏普陀宗乘國語布達拉卽後  
藏乾隆年間奉勅建爲二藏主東來朝宿之所

月竈規

方三里城霞國削成千仞壁共指香臺切太空山椒銅鐸

響天風葳蕤啓鑰憑開土

廟局鑄甚嚴喇嘛習於心戶特爲啓鑰

袴褶聯鑣

謁梵宮黃金白石模龍象寶殿靈魔噴煙上龕罩玻璃聳

殿心莊嚴三尺梅檀像

殿中惟奉一像云是如來面貌頗異疑爲宗喀巴

矯首臺

端躡翠珉

每層地皆登以磨輒黝漆有光類烏玉

混元天界極盤囷七重欄

楯光通牖百級梯枕勢轉輪偶窺暗壁斜暉度青紅百色

驚妖露獮面魔王奮甲戈高鬟嫫母吹雲霧忉利方開色

界天修羅更演辟支禪閃屍怪狀真稀覯粉本遙從印度

傳當時將作殊倥偬千鐻還資尙衣供

諸像綽絲嵌壁各織造所承辦豈

糜蕭梁帑藏貲虛給桑門苾芻衆天遣如來

化域趨土

以宗喀巴爲如來其弟子前藏班禪額爾德尼後藏達賴喇嘛爲迦葉阿難二藏來朝亦稱奉如來而至綏藩

卽此寓 神謨丹書金葉皈依切貝闕琳宮宿食俱諸蕃

舊託班禪价眼見須彌都納芥

二廟告成後班禪曾先來住此

百千萬劫

慶檀施四十九旗爭膜拜從知佛國入提封歲歲來瞻

壽佛容

上層玻璃屏幃明處摹繪今上御容

臨去還應齊轉首滿天清梵

磬鍾峯

廟內正對隔河之磬鍾峯卽水經注所稱石挺峯也

### 園中

園中一日一遷舍捲帳銜枚走中夜聯翩獵騎岡頭逢勅  
勒歌聲互高下獵獵嚴飆滅火光虎嘯沙礪草微茫廿里  
塞程迷黑霧五更笳吹落清霜霧消霜日銅鉦挂敖漢巴  
林隱沙界夢醒鞍橋意惘然此身忽墮中原外

由玉泉山至香山直次

亂泉百道繞車出車前衆綠罨朝日水禽三兩飛入林林

外時時聽傳蹕路迴仰首兀蒼屏寒雪噴山山有聲陽山

有巨穴泉噴而看花臺迴早霞散捲幔樓空春霧生木末

雲端翠微見金源何處芙蓉殿認取紅泉瀉磴旁明昌輦

路還如線山頂有金章宗芙蓉殿故址修蛇一徑趨松篁言瞻臥佛登

雲堂度世應思致衽席見身似說疲津梁茶罷支筇訪碑

碣無數蓬科閒荒宅勝國衣冠貉一邱權閫香火免三窟

魏忠賢等祠水聲漸遠辭巖扉軍書促迫嚴驂駢環岡小

市翠煙合列堠通衢華蓋飛蒼蒼珍木繁旗轉望望前

途入層巘小清涼界飄鑪香

香山名小清涼以五臺爲大清涼也

八

龍駐閭苑下車趨直亟抽毫半日清遊世外逃寫就新詩  
更吟望單椒午日麗金鼇

今白華堂詩錄補卷二

古體詩

喜趙兩樓舉京兆并示同學諸子

科目足重人文章可得士要在鍼芥投十獲遇非詭震川  
射著法詭詞有激耳子來從吾游切劘在經史才贍氣亦  
壯早作吳蒙視昨以闡藝呈前茅實所擬司衡果不爽操  
券良有以笑余塵鞅中已殘老馬齒爲念執贄勤抗顏聊  
復爾英才竊指屈三趙光祿吳傑余鳳喈是譬如開桂林一  
枝自爾始衣鉢慙真傳門牆幸利市當代權與陸法程自  
同軌操槩勤丹黃拾芥視青紫名經從此證聯翩二三子



總統閩浙舟師浙江提督壯烈伯李忠毅公輓詩

姓名足方謫仙人功業乃媲美將軍數奇不封古所歎今  
也拜爵延雲祔人間廟貌式崇煥史上諡號揚英芬男兒  
一死重如此一死豈足酬君恩天生公材衛海國百戰  
佇截橫海鯨攬槍已埽未盡滅大星忽墜天爲驚重洋千  
島激颶母窮冬萬里垂陰雲驛書嚮夜達西苑九重雨  
泣無青春精誠早鑒岳武穆面貌未識顏清臣自來知  
遇寶罕比在廷感極悲填膺仰首呼公亟佑國空中髣  
髴神來膺捐軀臣分了不恨但恨瘴海餘狂氛昨者血面  
叫閭闔上帝已命屠牽蔡瀆朱逆死生一節誓當效默助戰

艦威大瀛請看神旗一舉東南海國從此長清平

夜抵 圍寓

奔車息雷響序櫟發夜警花柳霏春煙罩此蓬壺境上樓  
拓水窗燈前立山影

舟過直沽賦似同舟蔡雲橋前輩

柳口春來青滿城城依碣石連滄溟魚龍窟靜 御舟艤  
翠旂虬蓋春冥冥從臣導引許先發鼓棹中流有超越九  
河新漲二沽并萬里澄波一鏡徹沙岸隄菑高蜿蜒 皇  
家那惜水衡錢桃花浪直來天上析木津原在漢邊我行  
似乘吳榜穩但爲清明感春晚煙雨迷濛客緒紛水天浩

渺吟情遠西江九派通君家吾郡長浮東海槎遙憶采蘭  
虛令節還憐泛梗到天涯今朝晚泊知何地鐘聲疑出孤  
雲寺儻尋魚市得青蝦滄酒一罇聊共醉

張子和觀察

燮

昨赴甯紹任遽歿于署聞梅梁述其

事因追悼之

吳中十五年前老太史曾向浙東談藝震人耳浮家姓字  
疑元真作賦才華仰平子昨迎榮戟士民喜何因服多成  
驂鸞猝傳一訃成驚歎雲亭法律秋鬢瘁

君由刑曹擢外任

大雷

笳鼓商聲寒吾憶帳飲杯纔乾

啓程日余餞之寓齋

驗錢樣戲作

泉貨民生資圖法務畫一鼓鑄歸羣藩檢勘責樞直歲終  
錢樣呈裝函備文飾縹碧錦爛斑函中紅錦襲一錢一柱  
擎五柱兩行列函貯十錢銖兩各依范肉好悉中則銅質純且  
精燦燦黃金色所呈率如此允符天下式不知市閭閒何  
以多荇葉此樣但過眼分去聲爲省郎得常擬白打分或覲  
紫標奪舉世爭受萬我輩愛拔十似廉實已貪官輸竟私  
入據案侔監臨籠袖類攘竊笑祝外府盈歸免空囊翌國  
寶鐫分明兄事猶恐褻和嶠癖漫譏魯褒頌宜亟來年利  
市占壓歲兒童悅

元日 太和殿觀筵宴

履端大居正會同稟春王上德通下情雲天需宴張紫

宮御金根前殿飄鑪香圓方充綺席廣樂登四廂已幹

十載紀正元萬年觴橐飫自茲溥獸罇奚足方況喜

聖人壽

本年恭屆上五旬萬壽

皇預近

天子光禮成拜恩詔丹鳳下高閭

答朱虹舫太史

方增

約舉庚申南榜同年公宴

曲江消息櫻桃宴蘭譜文名噪邦彥帽影鞭絲認未真相  
逢九陌多回面去年草草漫題襟星散無由更盍簪  
五科稀聚會迎眸三月好光陰當時共借淩風翼何論  
榜分南北人防秦越視同年我喜邾滕附大國主盟例屬

玉堂仙重許論文到綺筵天末陳遵堪說與替伊投轄定

欣然

昨歲主此席者爲陳荔峯學士今視學粵東

晚步

涼雲初捲星光墮嬌女癡兒停晚課牽衣隨我步牆陰息  
響莎蟲知屐過鄰園無人天籟發樹樹吟秋自相和

九月十二日浙閩奏報殄滅蔡逆全洋肅清爲長歌

誌喜寄示南中諸同好

粵東黑水洋戕我大帥

李忠毅公

窮寇狂浙東黑水洋殄滅窮

寇天威彰兩洋名同其事不逾六百日無乃故帥效靈

假手邱

琢齋提軍

與王

福建提軍名得祿

靈風飛送捷書捷到及羣藩

祝嘏來 仙莊羣藩傾耳咸手額笑謂島國從此便平瀛

航何況瀕海士快逾體脫瘍請臚寇始末為君述其詳我

昔童邛間人說 清時海波恆不揚粵歲丙午逮丙辰東

甌盜起屯平陽於時閩幫曰水澳幫首李發枝繼以林亞孫又繼以侯齊添與

浙鳳尾幫首莊其美遙相望平陽有門界烽火大嶺小嶺誰疏

防閩賊遂入合浙幫外引夷艇來連檣安南其間附蔡逆

么麼飛蚊蝨潛出二幫後肆劫並箸簣幫首江文庚申以來浙

事急撫部阮芸臺師與帥張戎行松門殲鹵殲安南艇匪偽進

二幫潰徒黨四出猶騷擾閩有郭潭陳角紀江均三小

侯齊添 浙有張阿愷為小丁亞歪為補楊課為賣油幫首三幫皆鳳尾

餘黨

餘黨實共新興再興皆浙黃亟去聲逞毒始與肥賓浙張阿小

差浙駱廬同歸降蔡逆乃更狡時出時遁藏竄閩詭納款

三沙恣跳踉閩大吏誤信投誠旋被颺去猝燃餘燼勢難遏東南澤國

自茲成沸湯上將無援復失陷胡鎮軍振聲追賊以失閩援歿於陣紅頭綠

頭百艇橫竿塘蔡逆乘綠頭大船句結粵匪朱潰乘紅頭艚船並集竿塘洋面甲子秋

正中乘夜擾浙疆翁洲若累卵吾郡咸驚惶若非帥統三

師出捍禦梵山萬衆吞噬憑封狼丙寅入臺逆燄熾豎旗

稱號無王章雞籠見摧雖震懼鹿耳未塞還飄颻蔡逆寇臺儻已

據城池忠毅大破之時所帶兵寡仍煩窮力追萬里馳餘

閩不濟師助塞鹿耳門致賊遁去

艚芸臺師屬忠毅造霆船用掩之星嶼下賊之浮鷹傍釜

以追賊甚利至是駛入粵



底遊魂已待盡

時蔡逆僅餘三舟

翻驚大帥先遭傷嗚呼狂逆稔

惡竟至此神人共憤今日纔消亡乍聞喜極轉思痛欲同

少陵涕淚霑衣裳試紀寇氛起及滅遷延廿有四載強耳

聞目見桑梓地蒼赤何限罹兇殃要知至仁惻念自爾

格穹昊况復頻年籌海宵旰提宏綱勇怯靡弗晰功罪

靡弗償疇能隱奸宄疇敢譏忠良自今文武宣力保瀛滢

會見人躋壽寓長樂康余也欣際太平願歸享但愁

夢中天海還茫茫

方略館修書有作

紅燭修書豔小宋館職聲名至今重憑教太史矜三長還

許中樞竊半俸

館中額定纂修人員其一係翰林院移送之編修餘皆軍機章京每月給公費錢

四百五十

樞員當日忙軍書廿載填委承明廬

檔冊俱在樞直功成開

局效編纂我來分席承權輿紫垣西畔隱芸閣縹緗滿架

綬邊略紛紛怪崇傳巖區厯厯征師誌戎幕黔疆楚界秦

蜀聯青黃藍線

皆賊所分股名號

相勾纏軍威疊振唱朱鷺妖霧

橫吹開白蓮

各股賊匪將殲盡有齊二寡婦自稱白蓮教主煽惑餘衆妖氛復熾

九重震

怒雷風起經臣

額勒登保

贊畫

德楞泰

鞭箠使謨陳

丹旻揚虎

螭捷奏紅旗埽蜂蟻握奇好訂軒轅經宵光上映歸邪星

餐錢坐廢事敢怠卷帙旁羅披不停夜分隱几心蒙昧忽

覺當前海水沸猿鶴蟲沙多死聲風雲草木皆兵氣須臾

萬騎搜岡轡核桃瓢碎刀矛攢

終南等山嶺峽岩劣賊所潛匿處呼爲核桃瓢子

恍疑耳聽軍中樂猶怯身從壁上觀尸臣

指死事者

幾輩方魂

與夢醒開眼愁無侶鑪燼香銷蓮漏沈羊燈花對英靈語

正月三日曉起與及門汪儼齋解元

能肅

小飲適接

袁柏田方伯書走筆代答

無事思晏眠隔窗春鳥呼春鳥不知名音似提葫蘆聽之

欣然就玉壺汪生戶小代以茗論文相對忘朝晡車馬喧

門室自悶頗厭賀歲同索逋忽聞當關語款款知是雁信

來洪都烏公夙契石處士

方伯愛重儼齋故去歲攜之入都令就余寓

子美正

懷嚴大夫開緘絕倒爲知己疏狂故態憑描摹卽看今朝

人海裏肆志誰若生與吾但恨塵鞭日相促一年閒適如

斯無西茶東酒

京師諺語謂酒以東城為佳茶以西城為佳也

更評品檮枳煩添

小火鑪

### 泰華雙碑之館賦呈芸臺師

琅嬛僊人住僊館石墨鐫華常滿眼還從舍館標靈奇嶽

色雙雙闢空展泰山之碑野火焚

乾隆戊午年事

未焚響搗原希

聞舊本獨搜備殘字千秋月脫齊州雲華山廟碑明代毀

三本人間貴無比長垣陝右輪四明整搨全碑此其是

長垣

本歸成親王詒晉齋陝右本藏朱竹君學士家皆剪標師所得甯波天一閣本乃全碑整搨未剪標者

雙碑

重揭日月光貞石已峙珠湖旁

師已將二本摹勒上石置揚州北湖祠塾

仍裝

兩紙入書籠蟬翼拈來比山重蒼松五粒見青蓮一朵垂  
東西聖壁倏飛去但見堂上來崔嵬左揖丞相斯右顧中  
郎蔡秦漢文字誰比肩獨出其閒與古會雖然此館吉金  
商周多三代以下樂石難同科我思松雪齋傳獵碣古重  
鐫未覺毫釐訛請標武林搨本懸之堂中更如何天一閣藏北宋搨石鼓文係松雪齋物師曾摹刻置杭州府學

紀山陽冒賑事

南漕北賑外吏有此語蓋視為分例也是何語盜得公然同詔糴山陽  
缺瘠令更肥儘藉哀鴻飽碩鼠幾人奉檄來鉤稽分沾膏  
潤無相詆李固庸中獨佼佼即墨李君毓昌以進士分發江南卻賂任爾

嘲書癡百折難迴事機發令顧身家患倉卒惡奴競起助

貪狠毒害誰能防猛蠍二祥李祥顧祥皆李君長隨怨主同冰清已

枯人菀情難平一祥縣署用事家人包祥始犯竊盜在獄令任典史時為脫其罪而任之事

令效心腹曹社遂見三祥并三祥恭本御製詩孤館燈昏漏將盡

莽草煎來和紫筍衛侯醜薄死還蘇淖齒梁懸計彌忍詰

朝具牒稱暴亡太守淮安詰令知其詳事大如天足噤齟

不覺上下同心腸送歸旅櫬鴉隨噪已著神靈憎凶暴道

上王恂馬忽逢君樞將歸里中先有同學于路見其所乘馬已而君至邂逅如平生自謂冤死為棲

霞縣城夢中溫序魂先告深閨勁節侔孤忠碎首欲殉征

衣紅啟棺視屍權變出上叫閩闔愚衰翁君婦某孺人先得噩夢喪

至檢族橐中一衣有血迹遽痛不欲生徐思報仇事大乃  
顯君叔父按洗冤錄驗法開棺驗之果得毒因趣令叩

閭省垣震動尺書下幻術當場還逞詐誰道風雷晴晝

過子文青骨終難化藩司奉特旨兩次檢骨皆白淨最

霽驗之則節節青黯見毒蓋前此乃包獄具雲亭天網恢

始知攘竊竟生災歐刀白雪臨西市驅辜腥風滿夜臺軍機

處會同刑部提鞠究出各情令處斬守處綏包祥建塋

等三犯奉旨解往卽墨摘心致祭後凌遲墓前

賜祭頻頒詔贈官予蔭酬忠孝風烈還教萬古傳穹碑

百尺宸章曜御製詩五言長律十韻備極褒誅自

昔本昭然底爲貪殘苦自煎借作官箴勛來者常看頭上

有青天

出哨戒李僕

老僕李福屢從余出塞會受傷

蘭塞塌子頭

蒙古語沮洳也

主僕半行迹我馬常兢兢歸心未敢

急怪汝堀堞前欲厲征鳥疾息壤猶在彼會弗記顛蹶戊

秋喀喇河營門方卓歇踴躍卸馱裝猝受封駝厭叶僵臥

沙草間夜嘔數升血詰朝四無鄰孤帳不得拔與汝幾共

命相守惟蹙頰時非昇就醫汝久作人腊

承德喜太守命夫役昇至熱河

醫治半月方愈

只今猶即當隆然郭老匹貽患忘自懲駝將不汝

恤嗟余蹇當官險阻分須歷汝獨何爲哉涉險更飄忽此

行幸免難

去聲

善始期有卒出哨無多程艱若太行越慎勿

捷足爭千錢一命易

月給千錢



九日同喀喇河屯偕南石悔堂兩前輩

宮門一別人如雨路轉荒郊散行旅林塘照水榭葉低  
地相逢隔煙語須臾煙霽平岡兀岡頭鞭影穿林出一幅  
灤陽歸騎圖好誌庚年重九日

同黃左田侍講雪中對酒承示西齋集因題

雪花如掌復如席酒氣冲天雪難厭叶忽從燈底呼添裘  
爲讀清詩冷于雪夫君身具姑射姿神清骨冷如其詩酒  
邊笑談孤鶴叫松風挾雪來相吹百篇灑灑不經意到處  
輶車雪花墜山樞蟋蟀魏唐風鐵馬金戈雲朔地人生耐  
冷堪自豪熱客徒學寒蟲號孔融五十又過二功名富貴

真鴻毛

述君語

老懷雪淡句彌警吐氣自然使人凜我歌夜

半一卷終烹雪爲君作茗瀹王官谷野史亭曾入吾夢牽  
吾情他時鴻印可能到君試更述吾當聽

十二月二十三日直宿示同人

紫宮又見燈輪起人海潮聲沸偃子

京尹率役入乾清門樹燈竿於甬道直

北可高六丈許千人邪許聲徹外庭蓋兼儺意也

九微結綵徧巖廊一柱擎天作

杓指千門萬戶同回春戶帖門丞煥

玉宸珠嵌黃縹雲

書麗花入冰紈綵繪新宵來氣象移星漢鸞掖西頭背燈

看枯坐偏將蠟燕同

九重曾未巢痕換

四月六日謁大庾師 園寓有作

法從嚴 西巡戒途自 園邱門生例送行何事煩倒屣  
維時當首夏朱明耀軒几一霎垂寒雲乾霰落如米稷雪  
古有聞見說違時得非詭舍人方愕顧公忽蹶然喜告余  
將赴招沙彌爲迎止舉首覩華嚴獅峯在咫尺異哉此何  
言走也昧厥旨心動亟辭出搖鞭夕陽裏回瞻海淀東微  
茫月墮水

偕諸同門集飲長沙相國師邸第有述

師相贊大鈞育物在和煦春風坐酒人以酒爲化雨雅量  
本天成斗石奚足數自有鍾離仙人閒無大戶座隅高陽  
徒角勝互夸詡請師立觴政藏鉤分客主撤席屏醖醢洗

酌命量鼓環觀氣已摧逡巡慄兩股師舉一飲盡酒如見  
眉宇窮者作遁詞沾沾及治譜臧否到樞密是非競曹部  
公聞微哂云不若飲爲愈屏息味斯言相愧覺鼠腐伯倫  
嗤二豪我輩毋乃伍落日挂朱門請出紛接武吾師何等  
人昔曾辭政府樂聖稱避賢從未形喜怒再相亦偶耳中  
流自容與鳶魚洽真機行藏豈膠柱卽此一捭趨鄙儒舌  
爲吐試參浩浩天於學非小補未爲點也喟已冷夷之撫

登虎城有感

時聞百菊溪制軍欲攜  
粵洋降盜張保仔入朝

昆湖岸斜出虎城屹巽隅周遭植欄楯四望無人居落日  
氣蕭索竹樹多摧枯斂關問誰主鶡冠一嗇夫導我拾級

登列風生衣裾飛檐入瞻眺足底防躡虛重重鐵罽恩密  
影交暈罕俯瞰數仞深寬可三弓逾石壁倚竹檻縱橫皆  
輓轡爪牙著不得在囚笑於菟投餌引之出攫肉亟所需  
如鵬大漠盤如蟒陰壑趨撲地地欲震怒雷轟哮呼一躍  
勢直上離蓋纔尺餘隅眚視耽耽援簪形神俱危象劇履  
尾禍機瀕將鬢避患亟引去忍復立斯須因思勝國時置  
此當塵區威虐助厥衛陞人怖且吁虎坊及鐵門故蹟難  
模糊至今說舊名猶欲掩耳趨清時屏異類民始安康衢  
戾蟲豈堪狎漫恃朱亥徒昨者粵海平招降貸兇渠似聞  
大帥意許仕來京都廂諸朝請班賊也佩虎符困獸縱拘

繫出柙能無虞說言駭都市我謂此必無行見一疏陳驅  
之山海隅

自哂

並轡有海梁

楊海梁比部國楨

簪珥揚毬毬人誇好身手顧余若

可哈余本一懦儒武事不關懷偶於朱夏初觀射西城隈

海梁賃余宅日與陳子方侍衛習射門前城牆下

二子約爲耦假中腰箭韞時因內子

病假歸數日

卻能以愿中取譽期門儕

御前羸肱日

重瞳

亦屢回俛得

中雨矢

終失之藝拙非時乖賞典爲旌武將門

海梁爲時齋提軍子

良所推儒冠豈宜鵠漫圖好冠來自哂實喜事

底怪旁人猜

贈別王寶喬堃卽次其留別韻

束髮競詞場十年迅過客後此復若何視今亦猶昔嗟予  
辭故山苦受世鞭策歲月付奔輪惟餘磨驢迹邂逅逢素  
心清風發蘭澤分氎坐寒燈塵境廓如闕多君閱歷深守  
黑能知白當官期有濟幾輩副選格儒術覘平生不待膺  
緊赤君以教諭保薦引見以知縣用兒曹初受書塾傳類傳驛小學吏  
治同漸摩非旦夕可堪慈惠師棠蔭不留碧時延課兒輩甫及月餘  
言別愴予懷鄉關暮雲隔相期在政成開徑先倒舄

寄題湯雪隈桐陰清課圖次前韻

龍門百尺桐意氣湖海客製琴乃和平體用變今昔我友

示此圖據梧儼支策想見隱君廬卻埽杜軌迹吟聲雛鳳  
清詩書一家澤抵掌思疇曩披胸逞奇闊穎脫僚幕閒往  
往資建白何圖凌霄姿籬下斜枝格坐使塵心空渾忘火  
色亦有田胡不歸久厭宦程驛試看飛鳥還詎待林景夕  
石欄倚老幹閒拂湖雲碧昨夢往尋君秋陰一片隔泠泠  
水仙操恍駐淩波舄

圖中一侍女  
抱琴側立

將抵西安道上作

柳色連青門瓜畦背夕照諒彼東陵侯未識西向笑深情  
計鄴國還爲益封弔

望望終南山白雲自來去秦詩美顯服條梅始見譽後來



棲隱者亦云有佳處

韋杜在城南去天纔尺五行樂能及時衣冠卽巢許古園  
岑森爽難問今日主

環翠軒歌贈主人周衣谷觀察

光裕

環翠軒晚翠滿林陽好月初生爲遠山幽花自喜得新雨  
檐閒奏水樂席上停松塵主人醇醪客大戶一斗一石不  
可數倒冠落佩蹲蹲舞明當發長都自茲艱會聚塵勞君  
念西都賓風雅吾思東道主說與環翠軒知否別離苦

瓦亭驛

飛雲何杳杳積雪何皚皚高平古塞夕照開苜蓿香中羣

馬過四面青圍兼紫邏我聞唐牧曾稱盛未使天驕絕窺  
偵西荒自是最難服出師每恨全軍覆不有出羣雄那洗  
中朝辱志士流連古將才髣髴同生有頗牧當亭口接瓦  
亭遙遙漢與宋千載兩長城來君叔

歙吳晉卿璘

蓮龕見過戲書近狀示之

頻林奏琴管碑林響氍毹二林中閒獨岑寂一蟬竟日吟  
緇帷蟾蜍吐水黃昏候蓄得知更魚代漏檐月移將人影  
入書牀印盃交跟肘孝先便腹就空虛祇憶承明舊直廬  
苦貪枕藉君休哂計與甜鄉十載疏

曉起對月感懷寄許曉巒

香煙廿里高平路亂鴉落木紛無數此時最斷棘人腸經  
年難忘斷腸處昨夜飛夢落君旁曉鏡還添兩鬢霜吹笛  
誰邀青海月關中秋色似西涼

正月十七夜泊金山下

吳艤迅逐岷濤下東風作意催帆卸江雲猶滯早春天江  
水自明無月夜榜聯楚蜀紛沙頭長年競作燈宵遊蓬窗  
兀坐客無賴寒江注目心悠悠孫吳鐵甕邗城對曾使佛  
狸引軍退北固風雲舊壘空南朝事業殘山在祇今天塹  
席蛟鯨撩得詩人湖海情瓜步村墟沒樹影竹西歌吹捲  
潮聲茫茫四顧入無際榜人未歸舟不繫呼僮聊挹中泠

泉長天蕭寥海鶴唳潤州曙色已相催倉卒登輿曉夢回  
可惜片帆浮玉路無緣一上妙高臺

### 哀兩馬行

關東青負我天半踏雲行塞山月黑託死生

及辰扈從失道賴以出黃

土吹之險

安西白掣電流沙來就櫪出門往往載幢戟前歲南

還陸地盡兩馬霜蹄不得奮故人

淮關元樵使

向我致馬貲留

俟金臺或市駿故人今日不可問傳聞兩馬殆已殉哀哉  
我有敝帷於爾竟無分

### 挈恩兒北上示以小詩

十齡已萬里頻接阿爺踵茲行復不憚承命見汝勇須記

初上京繡襪 祖慈捧

禱雨

赤日燥水田渴雨麥甦死田中復何有黃埃閒蒼耳癡龍  
抱寶睡無術鞭之起農夫籲羣神邑令走社壇我心方怒  
然咎人更咎已閉門星月下陳詞竊長跪慘毒施閭閻都  
由肉食鄙神怒加譴責請從長官始瘵職當受辜勿移於  
赤子祝罷乃書版衣服冠而俟侵晨出步禱慙惶意無似  
見者亦動色屏騶隨數里猝然雲雷興晴陰未移晷雨勢  
傾盆翻野色青一洗同行互相賀謂天實降祉降祉先示  
災蒼蒼曷爲爾寄言同行者宜懼且勿喜居官等癡龍致

早良有以官必務修省龍纔聽驅使祝版故未焚祝辭試  
共視昔有魏信陵祈雨嘗若此要能勉力行不但出言矢  
刑鵝特下策精誠庶堪恃

開山道中

萬山一夜歸何處平野天容豁無際此身疑自蓬闔閒抉  
破層雲下人世魯甸昀昀畫齊境古邑闡謹幾千井犬牙  
壤畔星郵通龍鱗隰外霜皋靜西南隱約見郡樓我馬騰  
蹕如驂虬閒把一編趁夕照耳邊落木風颼颼

宿孟博士第

博士衣冠最閒暇多情勸我塵裝卸清嚴甲第卽賢關令

我沈吟到中夜豈惟古處式居停草木還占夜氣靈藤蔭  
斷機堂外展映來古月半堂青

回署小憩

官舍如家門久旅暫一過家人相慰勞語嫌寒溫多獨裝  
葛與裘立辦在剎那茲行計迢遞霜驛連關河

幼子纔睡醒玉雪當窗見點漆雙青驢良久注我面始但  
認客至入抱漸生戀去去且勿顧積德深誓願

自題官舍

三臺泉居右各省皆然是邦獨左之乖龍割一耳形勢良非宜  
中門署柏府柏翠可里許翠盡始見屋層陰積堂廡後院

關幾弓連闔接數武釵裙率相安帷幕無綺組有時攜幼  
出廬側玩荒圃獨我居前軒填委盡文簿窮日事鉤檢往  
往逾夜午以茲竭我才終知無小補日來春漸回疑陰散  
和煦衙齋開氣象晴窗列眉嫵猛思堂階前奇境環東南  
吾耳久知狀龍洞千佛龕開閣據几縱一覽舜祠禹迹奚  
須探閒情便擬白少傅已對衙時亦望山

香山句

### 捐給獄囚縣衣米粥

陷罪入圜扉多爲飢寒迫飢寒今轉甚悔恨諒無益執法  
吾敢寬對之覺心惻鞭笞皆栗膚拘囚皆菜色緩死堪樂  
生樂在衣與食猶是獄中人奈等溝中瘠俸錢貴善用燭



一何損百半粟及半絲聊助爾蘇息寄言有獄官忤心在目擊重裘宴席中語茲誰省識

禱雨

往時東郡值枯旱步禱立應世稱罕今年厯下旱未甚設壇請禱先懍懍或云官吏姑試余悔龍不起當何如誰料登壇九叩畢甘霖亦已隨吾車霑服失容未張蓋道旁噴噴訝靈怪豈真正直能感通率然有請不吾外天公雨露原至仁召沴每因風不消爲民請命幸獲宥洗心還賴吾蒸民

仁宗睿皇帝升祔

太廟禮成恭紀

闐闐繚左垣神都玉殿聳雲日輝雕梁山河扶繡拱於皇  
新陟

皇寅承

九廟重史稱仁如天覆下物兼綜範曰睿作聖思通祐蔽  
墜昇平廿五載 休烈啟垂拱

列聖龍袞聯

一人虬蓋擁贊饗徹

御名班行肅禁角淵祥奕葉承

恩綍具僚奉

小臣

餘退

思枝官漫席寵竊擬清廟什還企

橋山冢

在天陟降頻庶保 皇圖鞏

陪祀 方澤

夏氣騰郊原卉木盡欣悅戒塗指泰折北陸佇迴日拂旦  
仙仗臨金根籠瑞霽孫竹奏清管空桑調絙瑟風颯富媪  
至宇靜黃神謐 九拜大禮成常侍扈 旋蹕簪紱且少  
留徘徊爲卿月

自斷

出處吾道存自斷行與止在位非王陽乃爾促吾仕有冠  
尙可彈姑效貢公喜急流退不勇還泊人海裏結夏需涼  
蓬召工欲經始家人顧笑云淹留竟何底一喚春夢醒詰

朝戒行李歸志夫如何浩然東逝水

鷓鴣湖

垂虹秋色黯遙夕海氣沈冥連震澤  
幕天席地醉眠餘失卻鷓鴣湖千頃  
碧瀟瀟暮雨雜昏煙度曲吳娘何處  
船一道風燈明滅影畫眉橋外水如天

送耿安亭回揚州並壽其六十

壽世託五經日星炳千古行業與文章  
淵源堪指數若論簡冊勲別有翰林主  
吾師名世賢研經起公輔發揮皆大業  
校勘非小補政暇羅羣才經事極旁午  
伊誰監劓劓先生實肺腑篝燈審十行  
插架甄四部汗漫尋麻沙嶺海關

書圃風聲節鉞先馳驅若負弩善本出現媛不脛徧寰宇

耿板亦復佳絃誦日萬戶而我交先生浙粵兩幕府崔儵

卷五千枵腹賴撐拄臨水今送歸遙情寄秋浦君世舊蘭

錡君爲明長興侯十六世孫清芬在茅土孝謹行所敦任卹濟尤普積

善生公侯斯言徵老杜載分韋氏傳定衍石家譜揚州梅

花開壽宴八公聚天末遙祝君膚詞芟覩縷聲施附青雲

棗梨並不腐不見羊城書爭購雞林賈羣籍作笙簧當筵

侑清酤更倩烏爪仙奉觴爲起舞時屬余寫麻姑像以贈

蓮龕飲余知止足齋卽和其贈張記水學博韻

今夕之樂欲無古庭前枯樹向空舞蓬萊老仙天上至飛

灑墨花作霖雨公餘乘月訪煙水擬把高軒換柔櫓是時  
沙頭燈火稀霜氣捲空星出浦狂談勿慮賀監笑廿載行  
藏各辛苦酒邊一客何愀然強使沾脣難入腑

謂記水

惜士

倍惻衆母懷門生失歡嬰失乳作詩慰藉起聲價莫漫文  
場暗戰鼓丈夫窮達總偶然有氣但爲知己吐醉酣商略  
十日飲所念來朝事靡盬恩恩徧證文字緣一一眉低目  
不努

是日觀風

嗟余薦士方無門頻年缺恨賴君補同榜弟兄

四海隔彼此登堂事稀覩衡門留額俯千載長作鑑湖風

月主

承以鑑湖一曲四字題門

題明倪文貞公蘭石畫張忠烈公書江上聞笛詩合

卷爲葉琴樓署正

元塏

甕天神物歸琴樓

此卷本范氏甕天居所藏葉氏以貲易歸琴樓

中閒異事逃鬱

攸忠貞不共劫灰死翰墨肯被風煙收

范氏多藏名人墨蹟近皆燬於火惟

此卷僅存

虛堂展卷爲屏息毅魄英英見神筆垂雲立水分景

光攀龍扶鼇此心力兩公大節炳千古遺事無煩更覩縷

獨憶曩時忠烈試御前衣雲蹤迹方林泉每占介石自寫

意甯知蘭臭通後賢後來文貞旣歿事逾紀關山劈裂笛

聲裏南都可爲竟若斯安得同心哭逝水異哉作合繪與

吟倏若覲面傾丹心兩筵如一更奇絕精光慘淡雙南金

古賢圖書好事蒼物以人重輒牽配奇零草入附易儀人

固其倫物豈類乾坤正氣化工巧此幅兼收乃殊寶人稱  
范氏緝綴功我知英靈自願相遭逢一拳遺作精衛石一  
曲怨入瀟湘叢遭逢何處最得地莫若甬江之西姚江東  
君不見琴樓百尺當其中